

竹閒吟榭集卷第七

杭郡

徐行

春
乙丑

同人集廣南齋觀郭頻伽先生自寫詩冊題三

絕句

藝林刀筆重涪翁側媚書成晒俗工淨几明窗初落墨
諸天花雨政濛濛

柳絲碧浪散千愁載酒尋春湖上頭好待相逢浮一舸

郭松陵伴蔣杭州

蔣敬字芝生仁和人
有狂名精六法與頻伽為莫逆
交予藏所作碧浪湖

徐行



放舟圖長卷尾頻伽題
七古一章盛道清游勝槩

眼中留得越山青西月東風幾度經四面蕩花詩思好

百年雅慕定香亭

儀徵阮文達視學淞江葺署中舊亭
顏曰定香四面植蕩花甚繁嘗集諸

名士觴詠流連
頻伽亦與其列

蚤春游西山祕魔崖

南冠且抑楚囚哀潑眼林亭畫本開雪夢魂猶山腳戀
春消息自桺顛來禪師證果離塵去鬼物憑虛瞰室回
才向雲堆閒著屐松聲壑底起風雷

觀日本伎人歌舞二首



檀槽初撥鬢初勻手把花枝近麗人廿四番風休懊惱

流鶯元是舊比鄰

相逢一咲儘風流妙舞臨筵遣卻愁半臂寒侵春料峭

與君酌酒醉無休

朝過景山天朗氣清光景殊妙得二十八字

松陰祕殿鎖春寒欲話興亾事轉難留取白雲無盡意

路人長作畫圖看

春雨

此是春來第一程釀花細雨聽無聲鬆泥扶策禁寒去

疏柳搖搖媚晚晴

花朝同人聚歛公園春明館卽事賦詩

輕寒料峭東風初珍禽兩兩花閒呼池塘昨夜漲新碧
煙光駘蕩春模糊芳辰作興命儔侶屈指數與花神符
江邨魂銷政此際細雨乍歇雲霞鋪搖搖艇子截湖淥
酣紅成陣飄襟裾北方佳人獨遺世珮裳深谷來徐徐
偶然一顧失凡豔吳娃越女低頭趨把酒花前祝花發
醉倒欲倩瓊枝扶醒來繁華紛滿眼領首咲謝園丁劬
更闌停燭寫花貌盛鬢恐妨詩筆癯

上巳雙乙招同人淨業湖修禊晚歛庸齋賦短句四首

北隅耐幽討倚杖數回過銀錠橋頭望雲山罨畫多
西谿鄉夢隔汎汎水西涯欲覓詩龕跡落花繡上階
鷗鷺故飛飛行唼舊釣磯綠波明澣女垂柳染春衣
禊歛樂長夜客懷真不孤扶頭歸緩緩夢與晉人俱

園游卽目

鬆衣才得換吳絲準備清遊破曉眠十載難忘行藥地
三春莫惜買花錢赤闌橋外風翻柳繪影樓頭月在天

竹園壁櫺集卷七
三
百事浮生無可繫眼前光景足流連

冷庵春夜過訪襄出所作萬壑千巖圖卷子索
題時予病足偃臥蹤跡不越戶樞讀畫神王遂

賦五絕句歸之

夜闌有客款關來探衷林巒爲展開十載空懷歸隱計
因君氣蕩更腸回
繭足暫辭門外事積然一夢落巖阿綠蓑青笠江邊住
去日浮華等逝波

未必桃源世外無意中泉石畫中敷谿藤滿幅知山賤



擬向君家割一區

幽人清課是扶筇水角山腰無定蹤呼起石田商畫稿
啟南莊外月溶溶

百年歡咲幾開口三月春風多好懷寫罷江邨平遠景
梨花密雨打高齋

一自金漫與

擬將何事慰平生春與詩人最有情酥雨一犁園圃足
東風不斷賣花聲

寓廬偶作

竹園雙樓集卷十 四
偃居城市裏幽寂似山家種樹都無隙吟詩漸有加雨
收將落日春殢未開花尺幅呈千里吾廬信足夸

北海

一自金仙辭漢去但看春水及時加山南山北香吹徧
不費栽培粉子花

柳花

背水虛廊故故斜依然芳艸滿天涯中年畱得童心在
慣趁東風捉柳花

晚過金鰲玉竦橋

車騎走聯翩殘陽古塔邊荻芽青簇水湖影白黏天帝
子渺何許春容仍自妍金人終不語緘恨儻絲絲

公園看牡丹

傾城都道看花來歐碧鞋紅浪費猜惆悵上林三百樹
含煙坐雨爲誰開

敝篋藏約園第一第二兩圖爲長沙徐壽衡先

生視學淞江時倩人所作事見約園志晴窗展

翫題二長句

回翔臺省擅清華銀漢輕浮八月槎咲共湖雲商去住

願持采筆訟賢邪 公會兩度視學湖江中閒因力薦俞曲園先生事被命嚴譴 林亭

繕就娛慈母桃李開時豔冷衙三竺六橋遺念在故應

歲歲薦梅花 蘇州府志

約束池橋倩畫工圓荷瘦竹碧玲瓏廣陵散後添惆悵

燕市重來證異同 始倩仁和張小雲孝廉為約園圖旋於廣陵失之因更屬海鹽楊君瑄春

為補一圖諸暨何君芝亭又作第二圖 鳳起蛟騰猶奕未幾公還仕京曹前失之圖又復得焉

奕 圖尾有公自題詩數首寫作精絕 水流花謝太匆匆澂園濯濯千行

柳搖落宣南逐斷蓬 公舊居在南城榜曰澂園有澂園雅集圖為吾鄉戴青來太史所作

予曾見之公之後人今式微矣



示

患臂瘍幾殆得翁叔泉診治漸瘥賦示存問諸

親友 親友

壯夫斷腕無奇勇坐遣邪魔伺腹心鍼孔瘡痕頻反側

夜闌痛定一沈吟身蜷斗室層樓上想涉寒谿翠篠深

頗覺親知情不薄臨危高誼重推襟 主同人谷育

歸來巷陌故依然花樹迎門解作妍眼底不期團骨肉

病中已分判人天詭癡符咲衰詩癖特健藥能娛晝眠

文字因緣料未盡精靈比我假斯年

疾後始游公園

試凭瘦筇林際投榻來疑似夢中游故人邂逅俱無恙
勝地流連信卻愁雨後鬆泥便軟腳風前老樹強低頭
石橋西去曲隄路荷氣竹香時一浮

閏四月二十六日兒子位滄生同人各有贈什
時予病體未復自戒深思聊作長句一首藉酬

雅賦

支離短榻聽鉗笙猶有陳編助眼明天以丁男供謔浪
今年予屢患疔友人心關儔侶見交情嬰媿入袞還如
胥以預兆添丁相謔

昨跳蕩同懷似向榮黃竹江邊親手種數竿分與作書
籬

北海曉望

年年攀折桺仍肥頗怪東風有是非獨向蕭晨一延佇
水雲寬處鷺鷥飛

題女士陳明明山水畫冊女士受業於崇明樊

少雲爲陸廉夫再傳高弟

驚看鉅製出紅裙心印相承派未分一代丹青齊入坐
幾人矩矱得如君

進豪蒼渾亦清奇容我來尋畫裏詩萬水千山犇腕底
極知不肯讓男兒

六月初十夜夢中得五言四句覺後追憶殊有

雋味也

冥冥弄狡獪哀樂爲乘除滄江勢壯闊欲釣先踟躕

壽師鄭丈四首

太初眉宇軼羣倫信口哦詩腹未貧合見英靈從夢拜
更無襜襪向人親唵成黃葉瀟瀟雨淪落青衫點點塵
紅豆雙拈春有腳東風解道護經神

生朝歲歲獻詩篇六十平頭健似仙比德溫如藏匣玉
梓書損及買山錢秋心不爲層城隔好句頻看一騎傳
未敢膚辭瀆公聽輕舠蚤計汎湖田

海內詞人幾白頭少年名已動諸侯雕龍繡虎豪端見
東箭南金坐上收弁載聊爲京國寄九秋好作洞庭游
勢成急劫紛碁局老矣相看一咲休
光鋌遙指斗牛伸文字元同不壞身芝秀階前春政好
月明花下酒初巡論交忝列齊年子退直常親有道人
生羨斑衣行樂地金縷灼灼伴靈椿

移家二首

畫卷書囊手自攜
行行只在景山西
秋風不礙看花眼
猶有疏紅放一畦

碧梧棊竹費平章
坐對宵深明月光
夢裏西谿堅宿約
輞飢小慰讀書堂

客有將自製采蓮
噍百二十首見示
者報以短

句

十里橫塘路輕風
送月斜水憎花有
韻人似玉無瑕
漁唱殷前浦秋容
儵半槎江南魂夢
遠惆悵立西涯

冷庵以自繪山水巨幀見貺賦二絕句爲訓

風廊秋樹相遮映
位置唵軒費校量
只覺人前餘忍俊
年年心事爲花忙

胡郎贈我山千朵
排日消搖興未闌
莫向花前擅愁絕
禪中蝨處見天寬

北海殘荷二首

千載興遐想妝臺
曉日紅山光低壓
黛花氣遠凝虹冉
冉秋雲起悠悠法
曲終薄寒回翠裊
愁思有無中

金風吹一昔紅蕩
不成行南浦古行
色東陵今牧場茶

煙闌永晝樓觀上斜陽鴛夢青春誤空嗟道路長

秋夜書事

紙透西風被不溫人閒一似有煩冤寤聽後夜稀疏雨
明日應憐秋滿園

廠人送觀朱野雲臨寫二老竝肩圖圖中人爲

毛西河朱竹垞兩先生因賦斷句以志眼福

詞仙更擅經神目淞水東西峙霸才政苦蕭齋秋寂歷
忽逢二老竝肩來

亮集招同人賞菊行窩命題分詠予拈醉菊作

五言短古四首

詩人不解飲金尊羞屢空花儻弗咲我前有東坡翁
陶公洵菊淫循籬恣撥拾一醉游仙鄉微聞花悒悒
秀色羅當前無酒魂亦授花肥人恐肥花瘦人逾瘦
夢裏度花語醒眼相看真不敢闔眸子守此須臾春

秋柳四首

罨畫樓臺漸寂寥西風拂盡短長條秋來仍著黃金色
豈獨銷魂舊舞腰
秣陵秋色已無多搖落連朝柰爾何才賞江楓紅隔岸

打窗聲掠夢中過
 汴水行宮幾樹栽
 新枝還接舊枝來
 卻從木落天寒候
 更向風前舞一回
 塞南塞北思無涯
 一瞬芳菲謝歲華
 惱殺孤衾殘月夜
 隔林猶噪後栖鴉
 十月二十四日固陰
 近寒氣象蕭瑟憑團城
 頰北風塵雪挾胡沙
 吹損城西閨苑花
 奇景江南夢不見
 液池層凍走千鴉

西北

西北高樓獨夜愁
 峭寒都向枕邊流
 看麗日輝亭午
 忽有浮雲在上頭
 越戶怕逢春莽莽
 守株樂與歲悠悠
 蛾眉莫漫騰謠詠
 百種心情一咲休

十一月二十六日需卿約同人集淨業湖普濟寺談讌甚歡歸成長句二首索諸公和

城郭蕭寥煙火微
 梅花香裏叩禪扉
 酒人三五銜車至
 凍雀一雙衝樹飛
 臘雪嬾分山娥媚
 欠牀奇入玉包圍
 嚴冬未許憐枯寂
 似此風光春日稀

負手湖濬若有思徑荒人杳匯通祠落封犖确侵游屐
室委塵昏冷墨池夢想乾嘉全盛日生憐齊楚混茫時
自牽瑣事何繇說渾欲相從嬾斲師

淨業湖雅集再賦十二絕句東霈卿竝示同人

衝寒有客句先成濟勝年時衰逸情世亂幸逃兵火劫
酒龍詩虎送餘生

相業茶陵姓氏香勛名未遣壓文章只今舊宅叢祠畔

春社兒童簇看場

艸堂平列水西東水西水東二艸堂為時人所構月浸屏山柳拂風是



處精藍卽香國鷲飛春暮萬花紅

綠波鵝鸛想成軍韻事誰傳白練裙稍喜吾生猶未晚

及知臥地有碑文地臥殘碑文字漫漶不可卒讀

騷壇牛耳屬梧門金箭東南共一尊不盡低徊腸斷處

花枝深秀穩詩魂梧門祭酒詩龕故址近在咫尺今為蒔花人所居

厭聞蠻觸百端乖賸說清游未忘懷衷手哦詩賞寥寂

冷官雅稱位吾儕

愛此滌洄水一灣玉泉遙引劇清閒數椽容我如鷗寄

雪月花時獨往還

孤歡不分與誰同俊侶招邀得數公天意似知人意好

故將冬冷作春融五泉蠶馬陳雷問

蟄居城北避囂塵窮日丹黃蠹簡親試與林隈閒抵掌

團茆擬卜約齋鄰未念與平

記從攜手蹋秋痕斜日生衣夢尚溫紅藕白蘋開過了

欠花齒齒齧城根金滄東南共一尊不盡

畫圖入握重兼金展翫焚香契妙音誰為明珠投暗地

恍聞靈鬼泣宵深廠肆有積水潭雅集圖暨詩龕圖二

卷是梧門祭酒舊物作圖者為羅兩峯馬秋藥余秋室諸人卷尾有數十家題詠一時名手

網羅盡矣需卿雅愛其地兼重其人欲得圖而弄之倩



不

予作緣以荒倉索直過昂未能急就也

小憩雲房俗慮欠惜花猶見白頭僧詞仙合與花齊壽

春薦來年約共登普濟寺有凌霄花二樹附柏而生高

嫩頗不易將護也梧門先生生辰在正月十七日需卿預約再集同人欣然諾之

枯坐雙南精舍郵人授亮集需卿淨業湖雅集

倡訓諸作標新領異不同凡響鐙下發興遂依

元韻奉和二律不辭續貂之誚也

先春小集百花潭列坐分曹泯朔南險語苦摧詩壁壘

短尊喜共客沈酣柳邊孤交有閒思松下老僧無俗談

不信一袈裟地外洪流撼赭更搖龜

瘦影差池鑑一潭底須翹首海天南秦書已燬愁無寄
吳社將墟舞尙酣野服離披娛短景陳編摭拾助清談
貫師冷趣吾能衍得句先應供佛龕

北海觀人嬉

漪瀾堂外簇人嬉瘦小腰身費護持渾欲揮弦譜新曲
日斜香散有餘思

王福庵師命題散氏盤銘拓本

夫子嗜古若嗜命翠墨四壁敷琳瑯散氏一器最傑出

螭蟠虯結騰奎光後來學人競攷訂點畫辨析精豪芒

左旋右轉釋文字苟通假借陳周詳代遠年湮莫可究

異同堅白盈一堂

此銘有諸家攷訂吳西林釋文尤詳唯王蘭泉金石萃編頗非議之

耽壯學坐弱植寶山空手心慙惶請得略詮弟二義古

今軌轍遙相望王畿受授別等威諸侯有國嚴其疆唯

鵠構巢唯鳩占犬牙交錯疏隄防出好興戎憎多口干

戈旣戢玉帛將楚弓楚得拜天錫俾爾作器銘嘉祥鬼

神可質肅宗廟要盟歃血彌久長竹西匹夫昔懷璧惴

惴不敢矜祕藏謀之使者效芹獻梯杭展轉登上方天

不



家富庶括九有萬鍾一粟殊尋常塵封高閣閱人代誰

歟拂拭淒海桑元器舊藏揚州徐氏自入內府寂無聞焉清遜政後十載鄭蘇戡翁奉勸大內

諸藏得之養心殿隅至是晦而復顯殷鑑不遠哀深惕况乃中原如沸湯

乾坤終古賭龍虎臺閣有時儀鳳凰玉敦珠槃儻視此

下民喜起歌孔揚賣劍買犢事南畝吾儕歡讌明燭房

讀五代史三十首

延喜樓頭楊柳枝曲終簾外雨絲絲雙揮熱淚賺人國

畢竟朱溫是可兒天下英雄唯使君鷓兒展翅自成軍夜闌小試屠龍手



不

破壁風雷酒半醺破壁風雷酒半醺

翡翠盤盛鸚鵡驚危暑齡曾記拜恩施帳前五百銀鎗手

惆悵金鑾撫背時惆悵金鑾撫背時

怙寵君王掩襲工黃須那復認而翁石尤風起紅蘭泣

目送肩輿唱惱公目送肩輿唱惱公

氣吞八表性猶龍歛矢擐旗不改容日暮封丘門下過

萬人膽落李橫衝萬人膽落李橫衝

塞外和戎逞忿兵盧龍奉手獻名城父皇帝與兒皇帝

天子居然卵翼成天子居然卵翼成

北面奚爭臣與孫引狼入室拒無門腥羶滿地知誰掃
莽莽神州有淚痕
俚語傳聞博主歡夏姬故事豔朝端猶知一死殉梁社
未覺人材五季難
陰符謀老敵人師蓄米何嘗爲療飢白面兒郎多敗事
一杯河水動深思
將軍河上擁旌旄鐵券親訓汗馬勞內史何因宣教命
長城自壞郭崇韜
神勇聲名貫邇遐鐵鎚天矯陣雲遮人前不識周陽五

賣首怱怱咲野叉
符郎宛轉惜餘身壞壁藏骸語苦辛四十年閒登將相
酒邊歌扇感佳人
君臣把琰對愁臺錦繡山河賸劫灰慟哭已堅生死誓
柰何取辱雒陽來
幾時驢馬沒人驅絕倒三珠併一珠
春來好夢不須臾
好官爲報聘錢加一騎南山踐落花可惜積財三十萬
相公國破重思家

天下何能馬上治布衣常作帝王師時人且莫輕崔協
變理無妨沒字碑

平生頗賤鬥鷄兒一蹶真令萬古悲莫訝胸中無點墨
凜然豹死尚留皮

少崇島佛味儒酸簡寂宮中一飯難金盃玉杯盛狗屎
故應羞傍肉臺盤

漫求五粒老松脂太華山顛遞跡宜舉世滔滔幾高士
種田賣藥釣魚兒

解嘲螺贏負螟蛉祝頌喃喃肖我形誰道養成工反螯



細腰空復惜伶俜

俳優臣主咲同科狗子爭如兒女多掌頰殿廷供一噓
葬身弦管柰愁何

頭白監軍忍負唐每持苦口藥君王青蓮看自汙泥出
淨植亭亭放異香

癡頑老子戲乾坤易代尋常一咲存卻爲書林拜嘉惠
後來飲水儻思源

抽刀斷臂矢清貞眼底儒冠媿婦人莫小齊州煙九點
天寒日薄扇芳塵

苑囿窮妍鬼斧加仙妹環佩曳雲霞鳳翔庭闕麟游藪
 一曲甘州竟覆家題詞詠賦誠人莫小
 六郎只合伴清閒黃絹新辭著意刪病榻秋風聞豔語
 自斟濁酒酌江山長外尋常一知容
 矯首層雲奮羽翰夢回警枕七星寒吳儂也帶幽并氣
 兩戒山河落粉盤蘇詩苦口藥王青
 大家寵愛一身持鸚鵡初調旖旎辭國破何關花薄命
 只羞十四萬男兒陶于傳
 澄心堂紙豔吳綾春透瑤臺十二層
 睨皖鸞唳楊柳岸



南朝佳麗夢游會

清言娓娓敵黃初籍甚吾宗大小徐持較西川揮翰手
 貓跳栗爆引軒渠十一日

香哭大女鳳韶三首

應悔怱怱入世圖將癡易福願全孤逢人諸苦殷勤問

惜物微顰宛轉趨兒賦性慈祥遇人疾苦輒惓惓致問

束手看醫雙淚竭孱軀戰病八年扶九泉大父元鍾愛

莫戀邪孃泣路隅

舉家於汝最無違弱弟關懷一息微花發更難來瘦影

夜歸誰與啟中扉

子每晏歸兒必相候聞足音至則拔戶咲迎

慘號孤燭魂

猶在輕擲荒原事已非袍袴麤完親手斂酸辛權替嫁

時衣

汝生吾始學爲詩習見拈豪冥索時儘得溫柔慳福澤
絕憐愁咲解愁頤孤衷翻遣逢春惡摯愛終難與命持
骨冷香桃心不死亦知夜夜引孃悲

十二月二十一日爲鳳兒營葬下斜街廣誼園

晚歸與室人默然相對淒苦成吟

一杯黃土掩深深恐汝情傷淚暗禁已付模糊明日事



不堪破碎此時心夢開咲口身還健歸想修眉感易侵
月凍風殘天意苦柰何人境更銷沈

竹間唫榭集卷七 同懷女弟蘊恭校字

况

國

竹間唫榭集卷第八

杭郡 徐行恭 曙岑

丙寅

次韻奉和師鄭丈元日之作二首

酸鹹殊俗感予同 矍鑠年年羨是翁 佳句每來心印外
修名都在口碑中 車多問字占无悶 室有藏書號素豐
且及逢春開咲靨 承平可換耐長窮
縱橫斯世重陰符 天意難隨春物蘇 歸馬放牛心有待
迎狼拒虎計全迂 風鐙閒付兒曹轉 采筆潛將氣運扶

竹園叢書卷之六
省識仙家陳百戲泥塗潦倒亦方壺

黃大示病足長句依韻奉慰

一臥春雲破碧空
懶知世味有邊中
經時小隔詩添瘦
相見能憐病坐同
予昨歲亦嘗病足
漸欲展舒門外柳
無多淒

冷屋頭風蕭齋藏酒期高躅
豪飲看如水注東

俞滌煩美人小幃李珍之屬題四絕句

翦水雙眸不受塵
爲誰瘦損玉精神
春光最是無情物
花落花開只泥人

曉來花氣透重簾
一昔東風竟解嚴
方便營巢雙燕子

含情故故啟珠簾

峭寒無那帶簾鉤
薄薄羅衫薄薄愁
春思忽如春水漲
風華獨爲柳絲羞

和衣和夢到天涯
香燼熏篝璧月斜
窺戶不來鴻雁影
昨宵錯喜落燈花

題董逸滄凌湖汎舟圖四首

湖在安慶城外

翦棘分榛闢境殊
董侯高逸近時無
只今展卷凝眸處
雲氣嵐光溼畫圖
臨流小葺屋三椽
聽水聽風自在眠
唱罷權歌天色晚

扁舟衝破夕陽煙

仙源咫尺有無閒天爲詩人一破慳卻過江南望江北

好風吹夢著龍山

曾記持竿學釣徒鄉心塵跡兩模糊它年更補圖經注

合把菱湖號董湖

小園山桃花初放

迷茫紫霧漲晴空卽漸游絲嫋綺櫳昨夜春光竟偷度

小桃枝弱不禁風

延禧士倡爲穀社下徵及予折柬招飲以事未

赴越日緘示所著西涯續攷兼屬題其後小西

涯圖賦五言三首博祭

西涯跡雖陳煙水故不改高柳青環湖城郭宛然在異
代傳法乳千秋企文采掌錄徵北隅辨訂嚴魯亥佳處
安行窩古人不我給拓地期數弓明珠換百琲春風生
魚苗夏雨決荷蕾披幃延清光山月儼如待更擬置柔
槽臥聽聲欸乃

入山空有心生計困塵鞅濫筭亦胡爲僚底慙頽仰萬
事休關懷嬉遨屬吾黨久游縹俗情長嘯發清響我友

蕭散身人海寄遐想琴尊諧卜居泉石愜孤賞書寮掩
修竹天君服坦蕩門外多蒹葭觸我夢谿梅偶過弗忍
去一步一神往

一門萃風雅王孫妃仲姬託興在幽寂繁喧嫌竹絲誰
歟遣妙筆鷗波圖春姿良時一展翫水仙咲來窺世世
種紅豆永爲連理枝林中啟妝鏡花下唵新辭丘樊自
足戀壇坫尊總持金戈弔寰宇素履全湖湄襟期何閒
適樂道矢不疑

清明日挈榼視鳳兒墓

夜臺知汝竟何如口嗜同邪苦辦魚更爲結緣從蛻後
邨兒聚處散播餘

張半園先生出示所藏嘉慶朝製御園圖墨三
十二笏賦呈長句

勻擘玉杵麝成塵珍重封題進紫宸臺閣看從平地起
風光不減上林春輕持寸鐵詩三變傳賞臨筵酒一巡
添得張郎螺子黛紅顏長伴白頭人

小園花事甚繁愴念鳳兒

強欲自寬偏結轆東風無處不傷神從渠春色濃於醴

竹園吟稿卷八
四
跌戲花閒少一人

圍城卽事

燹餘田舍蕩春痕野哭頻年涕淚溫背水真看臨絕地
向天哀籲更無門九州大錯三生鑄一髮孤城萬甲屯
此日東風成可畏澹煙橫掃玉梨魂

兵罷感賦

一家全虎口諸將比牛毛問訊憐朋舊相看氣不豪

題夢裏桃源圖

一坐詩人盡入夢夢境所歷醒無殊白日西殞百怪出

不

愁雲慘霧迷通衢夢回小閣漾春水簾額餘寒砭肌膚
有酒且謀醉今日各暢所懷辭紛敷或思孤鶩學肥遯
花谿一權禽相呼或思桃源置方寸烽煙無警長安居
半生之計決俄頃出門大咲行徐徐道周忽逢鷓衣客
幼攜老掖神躄劬掉首王城悚幕燕僑壓懸想玉石俱
失鹿相逐何時已誰歟盤錯抒良謨折戟沈沙閱千載
依然鼎峙蜀魏吳在朝在野罕軒輊大隱小隱空踟躕
獨有癡人擅癡絕身丁盜跖心唐虞夢中幻境無一可
筆底仙緣聊相於嗚呼世亂夢亦亂徘徊卻顧憐歧塗

些須天眷拜深惠高枕容我游華胥

壽黃稼谿先生

西江詩派有傳人骨幹清腴味道真虎歲重刊行腳集
龍沙一見宰官身鏡前縱目書娛老樹底掀髯咲解貧
異說紛呶丁叔世且陪唵讌岸儒巾

同人過海平齋看海棠作

城上經火全池魚看花且過城西隅相逢悲喜兩無可
啞然失咲東風癰長安花事擅殊勝官街輒繡闥香車
今年司春忽作劇嬌雷迅發如聯珠芳時陡頓入顛顛

示

卜晝卜夜風雨俱坐令韶光擲虛牝花顏人意慘不舒
高廟竟孤昨年約可園空想遺世姝尊畔紅雲覆窗綺
慰情肯自畱須臾摩挲平日賞花眼不敢等閒孤負渠
願借溫柔好顏色散盡人間千萬吁坐中賓主各領首
一杯酌向花前趨寸心唯祝花長好邢尹何暇辨賢愚
韶顏冉冉謝芳叢噓拂連朝孤好風柳色纏絲人意外
花魂斷續雨聲中眉邊曲奏三條冷心上春畱一捻紅
已墜歡懷何處拾香車油壁記恩恩

錢春辭

題大休上人詩畫冊四首

有團蒲處卽低眉不辨山坳與水湄
忽地禪心覺無礙
自攜綠綺下峨嵋

曾主孤山萬本花冷香從不著袈裟
夜呼逋老林中起
準備清唫向月斜

才離越角又吳根蹋破秋江月
一痕夢裏鐘聲雲外寺
經幢度牒到山門

畫成頑石置荒陬不爲生公不點頭
瘦有林原蒼莽氣
偶然游刃失全牛

冷庵屬題山水小幀

半生癖山水笠屐常流連奇景耐深味
夢魂爲之牽冷
庵妙繪事筆奪造化先一氣畫十幅幅幅生古妍
屠門恣大嚼意游吾其仙玉龍儵飛舞衫裏珍珠濺
歎薄下巖穴平疇涌甘泉泠泠鑑孤影欲以盟貞堅
世事有代謝雲水長纏絲寄語圖上人據石看千年

絕句二首題冷庵所著畫筴叢談

治就瀟湘一握雲別裁宮體茂情文秋風瘦骨知何似
怕說人間有離羣

竹園機集卷八
催租吏到一錢無觸熱心情寸寸蕪難得風流蘇太守
替人畫竹了官逋

浴佛日過家敬宜先生憩園賞芍藥二首

吾宗東北彥栖傍梵王家作客懷三徑游仙夢一槎短
歌當進酒微咲入拈花白雪傳新詠相看醉墨斜
嫩篁圍老屋不遣澆飛塵繾綣芳菲候婆娑嬾退身一
枝春作殿千劫佛含顰細雨豐臺路種花愁殺人

四月十五日同人集北海聽楊安時百鼓琴曹
君紫珊攝遂章曼仙路金坡二公更番度曲爲

詩紀盛

沿洄曲渚小停橈拂軫調弦上下潮秋士春人俱脈脈
水蒲風柳各蕭蕭冷然著指通千古老去餘懷繫六橋

交嘗儻
居杭州

只合塵中聆雅奏眼前何地狎漁樵

所奏曲
曰漁歌

酒邊邀得楊公濟遂韻飄風凝水香鷓鴣三生圓好夢

山河一擔壓僧裝

俱曲中
本事

悲歡離合供諧咲今古縱橫

落渺茫斜日無情催客去曲終人散幾回腸

美人一首

城東邂逅記憨癡人與花爭一日姿隔歲花枝仍淖約

美人顏色重當時

檢篋得鳳兒遺象痛書二十八字

擎來掌上夢分明
暗淚盈腔不敢聲
知否阿那憐汝意
探環蘄福勝前生

出門

出門所見總生疑
片段心情更語誰
匿咲蒙莊論齊物
一車載得萬羊皮

朝雨毆炎獨坐雙
南精舍誦樊榭老人詩
怡然成趣寫二絕句

不

朝雨蕉聲滴研寒
攤書恍接古衣冠
嘯歌縱不生同世
夢落西谿一枕寬

舊居我亦傍南湖
款款春禽水上呼
它日蓬門遂真隱
疏香冷月拜潛夫

一官

一官聊復寄清閒
久已無心理亂閒
生計暗憐秋後樹
晚歸飽看雨餘山
披圖儘許客尋夢
拓鉢難容僧掩關
魚鑰重城春隔斷
西郊筇屐況緣慳

蟲語

竹園詩集卷八
九
坐看殘陽斂盡紅黯然無計挽積風幾人筆脫金銀氣
一代材多艸澤雄照面知非食肉相薶頭詎有濟時功
繞階蟲語爾何苦十二萬年循例同

天風一首答師鄭丈

天風過處掃浮雲對奕仙人布局紛劫畔收枰元是好
舟中敵國偶然分心常隨遇飢能療噉動無名咲自焚
蓑笠久思江上去難忘情只爲同羣

鄰翁歎和周退舟先生

西鄰老子髮如雪歧路徘徊腸百結竈養中郎故不凡



虎賁坐擁河西節黎雲雨虐不成春斂手吳孃最可人
十斛量珠迎窈窕桃花洞口問迷津醜醜飽吸仙廚釀
位業平躋閭闔上內寵臨朝挾至尊長楊執戟排儀仗
秋風紫塞忽聞笳挽粟飛芻罄萬家汗馬勛名書竹帛
將軍一怒蹴胡沙蕭牆構變驚無措兵脅陳橋愁國步
城中鼓吹慶昇平域外欖槍聽偷度大樹興歌落照殘
梧桐消瘦井華寒可憐此際邊關月十萬孱師解甲看
夢裏江山如破竹塵氛瞬息侵黃屋犁庭掃穴語猶溫
蠶蠶何心劍藏腹西市鶻嗥淚滴紅馬嵬真箇負情儂

竹園燈檠集卷八
七
舊時侍從和雲散曠代雄姿逐水東衣詔勤王誰作主
孤臣憤折千鈞弩漫憐淒絕坐臺城飽食差堪傲梁武
小劫華鬢夢乍醒赤城霞起破沈冥釋嫌杯酒尋常事
殲敵崇朝戰血腥門外春風綠袍艸雲箋五色傳青鳥
開傍紅顏涕滿巾當時悔不還山蚤眼中城郭換年華
雛桺成行獨雁斜勸翁莫更增於邑閒賞人閒頃刻花

壽汪伯敬丈長句四首

廿載春明繫一官不教塵冗廢幽歡小年我思因人熱
健句公能藥病寒夢裏芙蓉薰祖研盤中苜蓿佐朝餐

松聲謾謾盈池館集繼清尊付校刊

松聲池館爲丈先
德小米先生唵廬

清尊集中諸公文
酒流連卽其地也

人前未許說歸休腰腳猶堪傲黑頭社集相逢仍賭飲

廬居能受足淹畱坐曹擲筆成孤嘯閱市懷珍典敝裘

十二蘭亭春盎盎水雲老去劇風流

丈新得十二種蘭
亭帖中有宋拓本

陳句山吳荷屋二先
生題識攷證絕精

吾廬城北接城西蹋月游從路不迷客至嘲攜木上坐

興來自挈玉偏提春風煦煦迎人醉和氣喁喁舉室齊

漫訝華顛歷年少梅花爭作老逋妻

王母王公顧盼宜吹簫引鳳晚香時

今年九月丈將紅
為世兄完昏

絲牢繫憐嬌小玉杖輕扶看朵頤舊德傳家承福澤夜

光隔歲試嬰媿為公伸楮停豪待湯餅筵前和好詩

栽竹

凡卉紛得地清姿孰超羣緬懷谿上居修竿拂層雲敞

簾弄名繪七賢尊宿聞後來校書郎倚竹神不分

禹尚
基樞

劉松年竹林七賢圖及王無我為
符藥林作竹里勘書圖均為吾有

興念抗前古負山難

為蟲面塵乍思撲腸飢先欲焚坐此氣自餒堂堂過斜

曛閱市撫風篠搖曳含奇芬移栽愛束玉汲井澆之勤

暑雨再三發竹活人意欣蕭齋苦無侶所須唯此君

暑雨初霽同亮集賡南竝攜次女玉擊過十刹

海觀荷因訪蒨士更越銀錠橋攬後海諸勝

昨雨挂魂夢朝暎紅若此心朋踐宿諾花儻遲人矣嬌

女洵非凡攜游竊所喜平楚曳膏車彈扉訪之子晤言

成微咲幽紅滿芳沚邁茲清淨身儼然失城市一鷺偷

人先拳足立花裏沿隄賞無盡山翠近盈咫柳塘峭生

衣魚斲沈遠水未秋秋忽來天心覺難恃信步思窮源

相羊遂忘晷僻處彌復佳吾廬亦可徙悠悠適其生何

必懷故里

六月初八日師鄭丈招同人集禱士齋明日適

逢李西涯先生生日因約賦詩為壽

懷麓存素今往矣後小西涯傳其薪禱士自號自排塵

盞專一壑鷗鳥亦解娛詞人定中香味參鼻觀繞屋芙

蕖大如輪主人面水構深思花氣滌筆清無塵一篇脫

手誦萬口光鉞歎吐搖星辰南船北馬偶遇合相見刻

燭莊諧陳精舍子結西涯契敞廬我與南湖鄰功父稱

詩拜上將楊誠齋詩新拜南湖為賓之退食交隱淪二

上將為張功父詠也



公事業炳千載琪花瑤艸難比倫降及雍乾殷文治樊

榭梧門渾天真平生所遭殊豐嗇掄才五雀六燕均風

流隔世未消歇馨香俎豆秋復春扶輪大雅期一老師

丈曩有名賢生日文字化盡癡與嘖且聽中原徧戎馬

吾儕好事陳相因明朝詩國介眉壽引吭花外歌迎神

游北海作

五龍亭外水沄沄渡口衣香不斷聞向晚游情添秉燭

臨流歌吹遏行雲蕩花風中人如酒蕉葉廊尋石有文

平揖三山青入坐仙凡略喜路無分

篤士招同人讌集賦銷夏辭四章

何處堪銷夏西山趁屐宜三春花落盡一騎客淹遲佛
眼塵氛合松聲樵斧欺泠泠思野水矍飲幾經時
何處堪銷夏詩城路不遙蕉陰珍手澤竹響浩心潮雅
頌摩三代風流變六朝因之生妙悟對月詠清宵
何處堪銷夏陶然據一亭蘆錐圓簇簇香冢峙青青啟
戶放山入邀雲把琰停江郎如可作坐論養魚經
何處堪銷夏蕭齋一枕橫周遭看水立掩冉喜山行樹
老紛多態花奇莫辨名臥游游不倦縑素最關情

清朝復攜女兒玉擎循十刹海至積水潭據匯
通祠外山石小憩觀荷亭午盡興而返

咄哉六齡兒幽討心屢競婉婉牽邪衣儼解惜芳令既

挹回汀涼一覽遠雲淨腳輒神不疲賈勇事究竟雙臉

明朝霞蓮花借餘靚蕪穢嗟不除乃知爲世病兒觀道

蹙然謂予曰汗穢如此成小憩尋古祠充耳旱雷勁時

何世界頗訝其具宿根活活谿上水與兒作妝鏡拳拳樹旁石

北戰事方酣城中聞礮聲甚密畱我發清詠滌暑澄衷腸愁逐市聲迸還顧肘後兒歡

喜若魚詠兩頭歌纖纖回車玉臂併弟妹迎門來黎讓

母爲政更思寬歎癡俾兒鈍心性

新秋卽事七絕句

九州烽火自張皇不及秋來已斷腸
獨向風前移短榻鳴蟬樹樹澹斜陽

隱几雷聲破小眠起看赤日政懸天
蒼生要盼爲霖雨可有楊枝灑大千

平原牧馬艸初齊血色旌旄映日低
不見將軍天上降何人碎此一丸泥

風華住世本區區何尙覺南柯一夢多
翹首弋人癡欲絕

高飛鳥自咲張羅

檐前鸚鵡有仙根翻爲能言種怨恩
千古才人齊墮淚

一杯酌起九秋魂

繁霜爭向鬢邊侵眼底春人百感深
莫道都城盛絲竹舞衫歌扇落秋心

平生渾未解言愁恐被愁牽不自繇
此日沈吟尊酒畔花枝顫處各低頭

福庵師命題先德同伯太姻丈呂廬箸書圖二

首

開張句次蕩層雲筆有波瀾思不羣庭院梧桐三代器
樓臺楊柳六朝文春風委轡多耆獻夜雨挑鐙續舊聞
數世交親殷向往垂髫媿未挹餘芬

畢生好與古爲緣義獻家風一脈傳秉鐸山堂清講席
看花湖曲穩唵鞭寸陰檢校心彌競尺幅經營坐儼然
便藉隄塵銷歲月同光猶是太平年
周霖叔年丈挽詩丈與予但有聲應氣求之雅
終慳一面嘗爲予題西谿夢隱圖恬唵密詠宜
若享大年者奄忽下世彌增感痛

屢過城南問隱栖緣慳良覲卷虛攜思量客裏艱同調
慙媿人前荷品題嗇遇憐公舟上瀨好詩張我夢游谿
唵殘落葉悲成讖秋雨秋風黯一畦

七月七日爲漢武帝生日同人集丁闇公先生

齋賦詩紀事

祁連山色上林春漢室威棱蕩虜塵金簡疑年存野拾
秋河初度記佳辰一時材武鍾君相半世辛勤誤鬼神
不遣大丹成久視步虛惆悵李夫人

北海竹枝辭十四首

老盡宮槐黯苑門沿隄新柳補秋痕神鴉作陣迷歸處
唬破鴛鴦好夢溫

城北城西恣往回水邊朱戶兩頭開退曹好與攜紅裊
濠濮閒同啜茗來

一湖涼思晚來多艇子閒操緩緩過儂障輕紈歌子夜
郎持雙槳定風波

盈盈一水隔娉婷人眼青於柳眼青才向篙師低喚渡
神光離合五龍亭

廣授珍秘足怡情精舍從標畝鑑名窗外比肩人小立



嗤它畫裏覓卿卿

漪瀾堂外扇微風鐙綴回廊步履通照水金蛇千萬掣
料應不夜到龍宮

鵝翎摺扇肘邊懸霧縠雲綃態欲仙只爲情絲牢束縛
游蹤不蹋小西天

田田蓮葉亂衣裳夕照樓邊夕照黃歡意莫如天莫測
濃陰突起水中央

天廚不數五侯鯖小憩維舟傍柳城似聽內家人密語
曾經滄海若爲情

竹園集卷八
迎秋半臂逗新涼折得殘荷費忖量雙臉不禁添醉色
勻圓蓮子滿蓮房
艸綠齊腰撥不開更無人處小低徊九龍壁上龍飛去
賸有鷺鷥燕燕來
簇蟻翬飄舞帶長松寮坐酌白雲漿玉京顏色人間少
消受諸天般若場
巍巍白塔五雲端癡絕金人露滿盤畢竟紅顏勝仙佛
妝臺豔跡未應寒
九衢七鬯總無驚一夕軍書下石城誰擅澣花谿交筆

長安爲賦麗人行

次韻和亮集北海聞歌之作

按歌水殿劇從容蘆管輕吹浥露濃唱罷涼州山月小
欲將心事問渠儂

秋日游可園同彥強海平亮集賦二長句

不蹋春紅陌上塵西風筇屐轉相親水禽睨我還如舊

汀蓼妍秋亦可人桺外嚶鳴求好侶海平舟中憶語恍

前身三年前與彥強亮集來此叢蘆搖醒谿鄉夢惆悵

漁郎去後津

雪甌花底百煩湔解道清游便入仙蛩駟相依恣爾我
豬龍不分判媿妍看山淺刻秋疑畫得句夷猶澹若煙
好事心朋堅後約肯辭風露滿前川

秋夜讀冬心先生畫冊發興得六絕句

金牛湖上有詩老人與玉梅花比清矮屋三閒千个竹
畫龕禮拜古先生

半生浪跡是維揚裒得寒梢竹粉香老住江頭人不識
殘碑斷碣費平章

先生爲人狷且賢先生之畫拙而妍我思孤往躡芳躅

歸共先生裒鶴眠

異葉奇柯託旨深何人識得出家心願潑麝煤千萬斛
種成寶樹羅秋陰

是非諛物更無關我味深言諸慮刪折腳鐺邊蜷阿鵲
主人一顧爲開顏

老子勾頭蓄古春未因遠世遂無情臣飢頗唉東方朔
白石清泉了一生

同人集賡南齋命題分詠予拈秋水賦五律一

章

竹園金集卷六
先零看蒲柳涼思忽盈襟煙落洞庭闊雲連河漢陰秋
風吹著力流水競無心感此蕭條意長爲澤畔吟

賦題季易小雙寂庵勘書圖二首

精廬卜築此徘徊畫裏巖扉爲子開事業久忘銘柱石
儒冠分合覆塵埃酒闌揮手適吾適世亂置身材不材
轉語持君參寂寞窮冬歷盡啟春雷
沈郎腰瘦況秋初奇頓懸知困蠹魚君握智珠看鼎鼎
我珍敝帚自如如筆端甲弟覘人代閣外雙松矯夢餘
十倍料應聲價重鷄林賈問未刊書

中秋翫月次亮集韻

銀蟾輝夜午相望眼俱明碎入山河影圓生骨肉情窗
前停蠟照花下沸餅筵高冷清詩肺翛然勝晚晴

南返示室人

南返多佳思何時骨肉俱閑閑望桑者食力傲吾徒
車入山東境

少日耽摩史聊知觀國微悠悠千載下覆轍蹈依稀齊
魯青蒼在春秋事業非小康詩國僅詎忍素心違

次臨城懷都門諸友

不憚宵征路短長
飄輪應自咲
犇忙漏雲曉日紅千里
牽客垂楊綠數行
小劫經時猶色變
大賢遯世足心傷
遠歸翻訝身如寄
重九朋簪各一方

徐州口號

江山入破意何如此日
唯憐池上魚
兩面巒光飛濯濯
行人卯飲過淮徐

過浦口

漸從江北入江南
吳語參差認野談
昨夜還鄉恬好夢
蓴羹鱸膾小沈酣

寄家

小園梧葉墮
秋聲游子行行第
幾程明發應憐吳語軟
殘星送過闔閭城

滬寧車中

勞生艸艸不可說
襪被小旋天與閒
且食蛤蜊果枵腹
明鬢照坐江南山

滬杭道上漫作

秋光入唵篋
愁思渺何許
未見故鄉人
先聞故鄉語

晤贈姚七

三年不見鬢絲多杜牧清狂信未訛抵掌休論天下事
酒尊詩本儘消磨

南湖紀游六絕句同義民

水光山色竹參差
卅角尋常結伴嬉
識得南湖荒率趣
秋波皺面再來時
灑然舍宅記張郎
劫火陳陳玉照堂
畫舫笙歌渺何處
一湖煙水自蒼茫

高閣凌雲榜水星
人來初地酒初醒
松風梵唄諸天寂
合有魚龍夜聽經

鈴語斜陽墜綠蕪
婆娑宋樹倩詩扶
我來欲問梅花衲
畱得橫枝照水無
寬鞵緩步度桑塍
鉤月橫眉漸有稜
花隱了無遺跡在
心香一瓣是傳鐙
短籬掩映野人家
門外芙蓉一樹花
檢點風光貯唵篋
不教秋思在天涯

汎西谿作四首和姚七

平生幽夢落寒谿
促膝烏篷勝侶攜
夾岸竹風吹不斷
唵魂牽艇過橋西

秦亭山下水沿洄老去才人百念灰依舊荒庵晴擁雪

三年彈指我重來

秋雪庵中有彈指樓

蕭散風期慕古人已看栗主漸封塵落紅庭院花無俚
月下魂歸儻惜春

未遣桃源遂隱居秋林曳杖小相於眉痕深淺難逢世
冷澹生涯問老漁

偉哉攜家人招義民及予爲眞珠泉之游卽止
其艸堂小憩口號長句

羣山合沓忽如收多難何妨作俊游烹薜君當回至味



示

團茆我欲小諸侯一泓寒碧互危石萬壑松風森杪秋
此是大癡心上稿何時零落在江陬

丁家山看紅葉

殷紅千樹點脂成寒逼湖雲霜始生莫爲秋容增懊惱
回眸一顧總傾城

臨平卽目二首

雲姿雨態寫難工黃鶴山頭薄靄籠詩擅無聲千載下
車窗有客凭西風

秋光觸處可成吟隱隱谿橋艸樹深柏葉紅殘枝滿子

儼如梅萼綻寒林

車窗買車北上中塗因故誤半日程悶坐有作

不成去住挂心頭勿勿回車說倦游我送青山山送我
偶然惜別小句畱

百千萬億轆轤經如此宮商不柰聽爲問今宵投止處
夕陽無語水泠泠

哀武昌行和李竹吾

揚子江頭怒潮咽武昌城內糧欲絕兩軍攻守胥衛民
淒對甑塵但腸結旅進旅退城難降伏屍山積烏啄腔



不

天半雲梯接雉堞短兵夜靜相擊撞兒嗁女哭突圍出
忍飢猶思全萬一可憐鋒鏑皆無情不死栖遑死戰慄
一旦援盡嚴城開千騎萬騎含咲來將軍負嶠復何用
階囚坐客生驚猜吾聞成王敗則寇此理玄玄請莫究
撫我虐我休致辭眼底牛肥馬已瘦經緯萬端亦尋常
弱肉繇來終食強腐儒之說等芻狗西方有美殊婉揚
伊人積痼嘗百藥服食無功益清削醫者獨矜肘後方
剝膚一爲試霜鏑起衰興廢會有時所慮孱軀先不支
半榻秋風入繇憊盧扁猶自夸術奇嗚呼治人如治國

竹園吟集卷八
診察隱微首調息內腑充盈外鮮腴病起不費吹灰力
君不見六師競發紛張皇欲止鼎沸仍揚湯徧體瘡痍
聽野哭吾更何暇哀武昌

章曼仙丈出示尊甫价人太守銅官感舊圖敬

題

躬恥明士夫其國乃不做凜凜存亾交所關更非細青
史長昭垂華夷共一例緬維咸同朝黃巾涌海溢天步
嗟艱難大臣坐蒙蔽江南旣淪胥心腹患將逮湘鄉洵
人豪報國奮投袂經生總師干社稷一髮繫渺渺銅官

初

波小挫賊乘勢悲憤紛填膺靦顏立人世沈身非鳴高
感遇出左計拒援須髮張授命志節勵國士思章侯蓬
艚隻身翳見危忍喪手逆流強牽曳大義陳皇皇澄清
勉蹈厲再拜銘嘉言指水以爲誓集師尤忼慨三軍悉
隕涕轉戰扶乾坤河山鞏帶礪功成身不居策杖覩康
濟家邦隆受施兩賢契眞諦嗤彼闖闖徒沾沾市小惠
吁嘻今何時天地痛將閉毀綱而裂常舉世競貪戾誰
致風俗淳徒見效獯祭感舊披畫圖高雺邈焉逝

初雪五首和涂子厚

徹夜吼朔風曉皺千山粉掩關慕袁安跡遠心已近
一秋靳雨澤忿火心神煎瓊花大如掌民困蘇來年
虛堂延清曠喪手愛幽坐頗思藉天巧人世平坎坷
凍雀不得食瑟縮窺茆檐美人朱樓上低唱昔昔鹽
髡柳搖月明疏鐘遞寒響羸馬行荒衢歲邁欲安往
江右構兵災及滕王閣稼谿先生倦懷故閩命
同人卽事賦詩以閩中帝子今何在檻外長江
空白流分韻予得長字

秋艸萋萋秋水長才過南雁朔雲涼三千短後傾揚子

十萬橫磨小夜郎漢將旌旗虛白馬唐人辭賦豔紅羊
憑君忍動興亾念箕豆相煎事亦常

同人集路金坡齋賦晚菊詩分韻得嫌字

秋情寥泐復誰嫌砧杵驚心夜夜嚴落日未妨依夢遠
剛風端肯爲花廉冷過幽士醞尊酒咲卻佳人共鏡篔
多恐高寒增瘦損煖雲深護一重簾

張獻之先生寄示紅葉詩婉而多風讀之無盡

低徊效顰四章卽用來韻兼索金大九如及同

人和

竹園吟稿集卷八
不甘寂寞老容光
積日猶思挽魯陽
研北清陰分紫翠
嶺南消息遞寒香
有情倩女迷離甚
多事西風翦刻忙
一夕霜林烘野燒
疑花疑葉費平章
香國何人總策勛
九天風露政殷殷
歌傳水驛秋無限
霞起江城望不分
羞說丹心能報主
拈來妙手偶成文
東皇此日疏拘管
輕薄天桃轉遜君
雨笠煙蓑太苦辛
季鷹鄉思句邊新
漁舟失路還如昨
羯鼓催花莫認真
渺渺蒼波憐逐客
垂垂錦樹殫游人
戀秋漫道無癡蝶
鬼火楓根燦列辰

荆扉江上背人開
黃葉蕭蕭嬾作陪
大壽難求蓬島藥
微臣不是豫章材
醉中白帝橫當道
夢裏朱衣報掇魁
黼黻文身憑想象
可憐黎棗竟先災

雪中奇煖得詩二首

眼中人作楚囚囑
朔雪紅鑪各自攜
稍慰天心解噓拂
漫空冷絮化春泥
儼然吹面不寒風
顛倒才知造化工
欲狀春妍成麗句
只輸花放一林紅

續紅葉四章寄獻之先生

竹間琴集卷八
三
天高木落野塘閒人在輕寒淺照閒莫訝花光燒薄鬢
差宜酒力借醅顏登朝紫綬元非福繞屋朱霞但掩關
怪道畫師工冷筆春山不寫寫秋山
秋藏巖壑作氤氳瘦策徐來賞夕曛平楚春歸青帝帳
隔谿紅出女兒裙薄嗔薄喜都無賴欺雨欺風不忍聞
曉角霜天誰製曲殊絲細界衍波紋

老懷猶似少年時宿昔風情逐夢馳日影看攜鴉背遠
山花開向馬頭遲六宮麗質終塵土一樹輕雲掩醜枝
南國有人勤采擷可容刻骨鑄相思

風遂離亭悵遠行蓼花紅送一程程合并落葉呼愁侶
捉搦幽歡背短檠身世鹿蕉憐鄭客夢魂胡蝶幻莊生
明年芳訊回江渚藥院重聽夜雨聲

爲路二金坡題仙山濯髮圖金坡深通琴理嘗
夢至一處層巖合嶂響瀑流雲非復凡境峭壁
大書汪水雲濯髮處六字寤而異之述所經歷
倩人作圖以志因緣云

大字摩崖閱古芬
八弦寥寂幾人聞
莫從琴上求知己
淒絕南朝汪水雲

竹園吟集卷八
一覺青螺付渺茫浪浪雲氣滿衣裳只君晞髮陽阿頃
人世悲愉閱萬場
狂生夢醒急揮毫錯落珠盤一寫豪多恐醉中嗔阿母
暫時小謫去仙曹
未應同夢歎緣慳俗慮從君畫裏刪悟得南華齊寵辱
塵中無地不仙山

十二月十七日遣懷

年時猶記此辛酸骨肉深哀未易寬藉酒卻愁勝淺醉
耽游馳夢拾孤歡曇花照眼元知幻癥結嬰心欲去難

坐對孱妻無可說強持瑣語破沈瀾

歲不盡一日閱市有作

窮陰生春陽乾坤一轉軸去若川流東來如客不速晴
空揚市聲朔吹謝林木連年遭兵荒十戶九顛覆寂寞
康衢謠咲嘯雜車轂吾生不逢辰豈敢怨民牧除舊思
布新點綴到饘粥此邦風俗淳尙義賤珠玉竭來愁驛
騷貨死慶洪福腸飢身不溫際遇一何酷側目窺天驕
匹彼日東旭報往而跋來生氣奪黍谷燕居圍綺羅下
箸厭梁肉託根在高原宜若膺美祿所嗟牛羊羣頰首

受駢駢駢何敢尤難償口腹欲盈野陳餓孳殘人那
恤畜坐盼回春風夢思解羈束

竹閒唵榭集卷八
同懷女弟蘊恭校字

溫如不



溫州市圖書館